



Конституция – ел тірегі

МЕМЛЕКЕТТІҢ СТРАТЕГИЯЛЫҚ КАПИТАЛЫ

Қоғам денсаулығы тек медициналық статистикамен өлшенбейді. Оның негізінде мемлекеттің тиімді саясаты, азамат алдындағы жауапкершілігі және уақыт талабына сай даму бағыты жатыр. Сондықтан жаңа Конституцияның күшіне енуі денсаулық сақтау жүйесі үшін де ерекше маңызға ие. Жаңа құжат – еліміздің жаңғыруының жаңа кезеңінің бастауы. Ата Заң медициналық көмектің сапасы мен қолжетімділігін арттыруға, заманауи технологияларды енгізуге және адамға бағдарланған жүйені қалыптастыруға жол ашады.

Сонғы жылдары медицина саласы айтарлықтай өзгерді. Цифрландыру, жасанды интеллект пен жаңа медициналық технологиялардың дамуы денсаулық сақтау жүйесіне жаңа талаптар қойып отыр. Мұндай жағдайда конституциялық кепілдіктер мемлекеттік саясаттың сабақтастығын қамтамасыз етіп, саланың тұрақты дамуына құқықтық негіз қалайды.

Бүгінде денсаулық сақтау – елдің тұрақты дамуының, адами капиталдың және ұлттық бәсекеге қабілеттіліктің маңызды факторы. Сондықтан профилактика, аурудың алдын алу, ерте диагностика, вакцинация және скрининг жұмыстары басты басымдыққа айналуы тиіс. Бұл ретте алғашқы медициналық-санитарлық көмектің рөлі ерекше. Дәл осы буында азаматтардың денсаулығын сақтау, созылмалы ауруларды бақылау және профилактикалық шараларды жүзеге асыру қамтамасыз етіледі.

Облыста алғашқы медициналық көмек қызметін дамыту, денсаулық сақтау жүйесін цифрландыру және профилактикалық бағдарламаларды кеңейту мемлекеттік саясаттың негізгі бағыттарының бірі. Бұл сапалы медициналық көмектің қала мен ауыл тұрғындарына бірдей қолжетімді болуына мүмкіндік береді.

Қоғамдық тәжірибем көрсеткендей, халықтың сенімі заңмен емес, дәрігердің кәсібилігімен, жауапкершілігімен және адамға деген құрметімен қалыптасады. Конституция негізгі қағидаларды белгілесе, медицина қызметкерлері оны күнделікті еңбегімен жүзеге асырады.

Мөлдір ШЫНЖЫРБАЙ,
Көксу аудандық орталық ауруханасы
3.Тамшыбай дәрігерлік амбулаториясының
жалпы тәжірибелі дәрігері

ОРТАҚ ЖАУАПКЕРШІЛІК ҚАЖЕТ

Тәуелсіздік жылдары Қазақстан күрделі сынақтардан өтіп, мемлекеттілігін нығайтты. Осы өзгерістердің бәрі халықтың өмір сүру сапасын жақсартуға, әділетті қоғам қалыптастыруға бағытталды. Сондықтан жаңа Конституцияны қоғам мен мемлекет арасындағы өзара сенімді күшейтетін маңызды құжат деп бағалаймын.

Конституцияның басты құндылығы – әрбір азаматтың күнделікті өмірінде көрініс табуы. Бұл білім беру, денсаулық сақтау, әлеуметтік қолдау, жастар саясаты және қоршаған ортаны қорғау салаларындағы нақты оң өзгерістер арқылы сезілуі тиіс.

Қоғамдық қызметім экологияны қорғау, тарихи-мәдени мұраны сақтау, жастарды қолдау, инклюзивті бастамаларды дамыту және жергілікті қауымдастықтардың әлеуетін арттырумен тығыз байланысты. Осы бағыттың барлығы азаматтық жауапкершілікті күшейтіп, қоғамның белсенділігін арттыруға негіз болады.

Жаңа Конституция азаматтық қоғамның рөлін нығайтады. Өйткені елдің дамуы әр адамның белсенділігіне, бастамасына және жауапкершілігіне байланысты. Әрбір азамат өзін ел тағдырына ортақ деп сезінгенде ғана мемлекетіміздің болашағы жарқын болады.

Мен Қазақстанды әділетті, ашық, адамға бағытталған, табиғатын аялаған, жастарға мүмкіндік беретін мемлекет ретінде көргім келеді. Еліміздегі саяси үдеріс өзегінде балаларымыз таза табиғатта өмір сүріп, сапалы білім алып, өз елінде болашағына сеніммен қарайтын қоғам қалыптасады. Бүгінгі өзгерістер тек заң жүзінде ғана емес, адамдардың санасы мен жүрегіне де орын алуы керек. Өйткені еліміздің ертеңі – бізмізге ортақ жауапкершілік.

Динара БАҚИРОВА,
«Алтын Адам Jetisu шеберлер орталығы»
қоғамдық бірлестігінің президенті

КҮРЕТАМЫР



● Суретті түсірген Жұмабай МУСАБЕКОВ

САПАР САПАЛЫ ЖОЛДАН БАСТАЛАДЫ

Сонғы жылдары көлік инфрақұрылымын жаңғырту бағытында аудандық және облыстық маңызы бар автокөлік жолдарын жөндеу жұмыстары кезең-кезеңімен жүзеге асырылып келеді. Соның бірі – Жансүгір мен Ақсу ауылдары арасын жалғайтын автокөлік тас жолдарында жүргізіліп жатқан жөндеу жұмыстары. Газет тілшілері сол учаскедегі құрылыс істерін көріп қайтты.

Айгүл БАЙБОСЫН

Байқағанымыздай, құрылыс алаңындағы жұмыстар бүгінде қыза түскен. Жол саласы мамандары жаз айының ыстығына қарамастан еңбек көрігін қыздырып, белгіленген кестеге сай міндеттерін мінсіз орындауда. Заманауи техникалар да кеңінен тартылып, құрылыс қарқынын арттыра түскен.

Облыстық жолаушылар көлігі және автомобиль жолдары басқармасы басшысының орынбасары Айдоос Досжановтың айтуынша, екі елді мекен ортасындағы жол құрылысының жалпы ұзындығы 30

шақырым. Бұл учаскедегі орташа жөндеу жұмыстары 2024 жылы басталған. Құрылыс жұмыстарының мердігері – «Jetisu жол құрылыс» жауапкершілігі шектеулі серіктестігі.

Аталған 30 шақырымның 11 шақырымы толықтай жаңа асфальт жамалғысымен жабылып, негізгі құрылыс жұмыстары аяқталды. Қазіргі таңда бұл бөліктерде жол жиектерін нығайту, жол белгілерін орнатып, таңбаларын сызу сияқты жұмыстар атқарылууда. Ал қалған бөліктерінде ескі жолды жаңарту, негізін дайындау және асфальт төсеуге дайындық жұмыстары қарқын алған. Барлық құры-

лыс жоспарға сәйкес іске асырылуда. Егер ауа райы қолайлы болса, қазан айының соңына дейін жол құрылысы толық аяқталып, пайдалануға беріледі.

Тұрғындар үшін маңызды ерекше жолға отыз жыл бойы жөндеу жұмыстары жүргізілмеген. Соның салдарынан жолдың тозығы жетіп, көптеген жері ойылып, көлік қозғалысына қолайсыз жағдай туғызған. Әсіресе көктем мен күз мезгілдерінде жүргізушілер үшін қиындық көп болғанын жергілікті халық жақсы біледі.

Бүгінде жол құрылысы барлық технологиялық талаптарға сай атқарылууда. Алдымен әлден ескірген асфальт қабаты арнайы техникалардың көмегімен қырылып алынады. Кейін жол табаны тегістеліп, нығыздалып, қажетті негіз дайындалған соң жаңа асфальт жамалғысы төселеді. Мұндай тегіс жолдың ұзақ жыл бойы сапасын сақтауға мүмкіндік береді.

Жоба аясында тек жол жабыны ғана емес, соның бойындағы инженерлік нысандар да жаңартылууда. Осы уақытқа дейін 13 су өткізгіш құбыр толықтай ауыстырылып, жаңадан орнатылған. Бұл көктемгі қар суы мен жауын-шашын кезінде жолдың бұзылуының алдын алып, ұзақ мерзімге қызмет етуіне ықпал етеді.

→ (Соңы 2-бетте)



Суретті түсірген Дмитрий ЕРОФЕЕВ

СУАРУ ТОЛАСТАМАЙДЫ

Қаланы көркейтеу көше бойына ағаш отырғызумен ғана шектелмейді. Жасыл желекті күтіп-баптау, қоғалдарды уақыттылы суару, арық жүйелерінің қалыптасуы жүйесін қамтамасыз ету – шаһардың экологиялық ахуалы мен тұрғындардың өмір сүру сапасына тікелей әсер ететін маңызды міндет. Осы бағыттағы жұмыстардың барысымен танысу мақсатында Талдықорған қалалық тұрғын үй-коммуналдық шаруашылығы бөлімінің мамандарымен бірге бірнеше нысанды араладық.

Санжар СҮЛТАНҒАЗЫ

Алғашқы аялдама – Қаратал өзенінің жағалауындағы демалыс аймағы. Бүгінде мұнда заманауи автоматты суару жүйесі толық іске қосылды, жасыл желекті күтіп-баптау ісі жаңа деңгейге көтерілген. Жобаны жүзеге асырған «КАМПА» ЖШС нысандағы суару

жүйесін толық пайдалануға берген. Серіктестік өкілі Мұрат Сақыптың айтуынша, Қаратал жағалауындағы автоматты суару жүйесін орнатуға 300 миллион теңгеден астам қаржы жұмсалған. Жүйе толықтай компьютер арқылы басқарылады. Қоғалдар тегіліне екі рет, әрбір учаскеге жеті-сегіз минут уақыт бөлініп, атты сағат ішінде барлық аумақ толық суарылады. Су қысымы

да талапқа сай болғандықтан жүйе үздіксіз әрі тұрақты жұмыс істей түр.

Заманауи технологияның басты артықшылығы – су ресурстарын үнемдеп, адам еңбегін жеңілдету. Соның нәтижесінде қаланың жасыл белдеуі уақыттылы күтімге ие болып, тұрғындар үшін қолайлы орта қалыптасуда.

Бұл жұмыстардың алдағы жоспары туралы қала әкімінің орынбасары Қуаныш Сейтімбетов айтты.

мен 5 саябақ бар. Соның 21-і автоматты суару жүйесіне қосылған. Бұны бұл бағыттағы жұмыстар мағы үшін саябақта жүргізілуө. Оның бірі – Қаратаал жағалауы. Жастар саябағындағы жұмыстар аяқталуға жақын. Осы айдың соңында, «Ардагерлер» саябағында да автоматты суару жүйесі іске қосылады. Қаладағы арық жүйелерінің жалпы ұзындығы – 374 шақырым. Қазіргі таңда оларды күтіп-ұстау және су беру жұмыстарын «Energy Group» жауапкершілігі шектеулі серіктестігі атқарып келеді, – дейді ол.

Бұдан кейін жұмыс тобы Назарбаев көшесі бойындағы арық жүйелерінің қай-қуымен танысты. Маамандардың айтуынша, арналарға тасталатын тұрмыстық қалдықтар мен түрлі қоқыс бір күннің ішінде қайта жиналып өтуі керек. Соның салдарынан су ағысына кедергі келіп, жүйенің қалыптасу жұмысына әсер етеді. Осыған байланысты коммунальдық қызмет мамандары күн сайын арналарды тазалап, су өткізу арналарының қалыптасу жұмысын қамтамасыз етеді. Бір тәуліктің өзінде елуге жуық тапсырма орындалады.

Таза көше, жаңақалған жасыл желек, күтімді келіпкен саябақтар мен үздіксіз жұмыс істейтін инфрақұрылым – өркениетті қаланың басты белгісі. Автоматты суару жүйесін кенінен енгізу мен арық жүйелерін тұрақты күтіп-ұстау бағытындағы жұмыстар Талдықорғанның көркін келтіріп қана қоймай, экологиялық мәдениеттің де жаңа деңгейге көтеріліп келетінін аңғартады.

ЕГІНЖАЙ

АСТЫҚ, ЖИНАУ
ҚАРҚЫНДЫ

Ақсу ауданында егін жинау науқаны қарқынды жүріп жатыр. Дикандар қолайлы ауа райын тиімді пайдаланып, алтын дәнді ысырапсыз жинауға жұмылса, мал шаруашылығымен айналысатын қожалықтар қысқы мал азығын қамдауды қатар жүргізуде.

↑
Гүлжан ТҰРСЫН

Биыл аудан бойынша ауыл шаруашылығы дақылдары 62 172,77 гектар алқапқа егіліп, жоспар толық орындалды. Оның ішінде дәнді және дәнді-бұршақты дақылдар 30 мың 280 гектарға себіліп, жоспар 104,2 пайызға орындалған.

Бүгінге дейін жиналуға тиіс 19 мың 71 гектар дәнді дақылдың 1 785 гектары немесе 9,4 пайызы орылып, 3 878 тонна астық бастырылды. Орташа өнімділік гектарына 21,8 центнерді құрап отыр. Бұл көрсеткіш аудан дикандарының егін өсірудегі еңбегінің нәтижесін аңғартады.

Негізгі дақылдардың ішінде күздік бидайдың 7 мың 25 гектарының 2 380 гектары жиналып, 5 140,8 тонна өнім алынды. Орташа өнімділік гектарына 21,6 центнер болды. Ал жаздық арыпның 12 мың 46 гектарының 1 480 гектары орылып, 3 256 тонна

астық бастырылып, орташа өнімділік гектарына 22 центнерге жетті.

Ауданда тек дәнді дақылдар ғана емес, басқа да ауыл шаруашылығы өнімдерін өсіру жұмыстары жоспарға сай жүргізілді. Майлы дақылдар 13 406 гектарға, қант қызылшасы 2 600 гектарға орналастырылса, картоп 500,8 гектарға, көкөніс 217,6 гектарға, бақша дақылдары 219,37 гектарға егілді.

Егін орағымен қатар қысқы мал азығын дайындау жұмыстары да қарқын алған. Биыл аудан бойынша 412,2 мың тонна мал азығын дайындау жоспарланған. Қазіргі таңда оның 100,6 мың тоннасы әзірленіп, жоспардың 24,4 пайызы орындалды.

Атап айтқанда, 243,5 мың тонна шөп дайындау жоспарының 68,1 мың тоннасы жиналып, 28 пайызы орындалды. Пішендеме толық көлемде дайындалып, жоспар 100 пайызға орындалса, сабан дайындау жұмыстары да жалғасып, бүгінге дейін 3 мың

тонна немесе жоспардың 6,9 пайызы жиналды.

Шабындық алқаптарда да жұмыс қызу. Көпжылдық шөптің 12 мың 756 гектары шабылып, 38 мың 368 тонна өнім жиналды. Сонымен қатар біржылдық шөптің 1 480 гектарынан 3 700 тонна мал азығы дайындалды.

Қазіргі таңда Ақсу ауданында егін жинау мен мал азығын дайындау жұмыстары белгіленген кестеге сәйкес жалғасуда. Ауыл шаруашылығы құрылымдары заманауи техниканың мүмкіндігін тиімді пайдаланып, қолайлы ауа райын ұтымды қолдану арқылы науқанды сапалы әрі қысқа мерзімде аяқтауды көздеп отыр. Ақсу ауданында ауыл шаруашылығы мен жер қатынастары бөлімінің басшысы Ерлан Османбековтің айтуынша, биылғы науқан белгіленген жоспарға сай ұйымдастырылып, барлық ауыл шаруашылығы құрылымдары егінді шығынсыз жинауға және қысқы мал азығын уақытылы дайындауға күш салып отыр.

— Қазіргі таңда ауданда егін орағы мен мал азығын дайындау жұмыстары қатар жүргізілуде. Біздің басты мақсатымыз — өсірілген өнімді ысырапсыз жинап ату, алдағы қыс маусымына жеткілікті мал азығын дайындау және науқанды сапалы әрі белгіленген мерзімде аяқтау. Бұл бағыттағы жұмыстар тұрақты бағылдау, — дейді бөлім басшысы Ерлан Тұрарбекұлы.

САПАР САПАЛЫ
ЖОЛДАН БАСТАЛАДЫ

(Соңы. Басы 1-бетте)

Құрылыс жұмыстарына қажетті арнайы техникалар мен құрал-жабдықтар толық жинақталып, асфальт төсегіштер, жол тегістегіштер, катоктар, жүк көліктері, басқа да арнайы техникалар күн сайын құрылыс алаңында тоқтаусыз еңбек етуде. Мамандар уақытпен санаспай қызмет көрсетіп, нысанды белгіленген мерзімде аяқтауға күш салуда.

Жансүгірт мен Ақсу арасындағы жолдың жаңартуы — жергілікті халық үшін көптен күткен қуанышты жаңалық.

— Жөндеу жұмыстарының жүргізілгеніне шынайы қуаныштымыз. Бұрын жолдың жағдайы қатынауға қиындай

тұғызатын. Қазір ауыл ішінде жүру де, қатынау да әлдеқайда ыңғайлы әрі қауіпсіз. Осы жұмыстардың жүзеге асуына үлес қосқан барлық азаматқа алғысымыз шексіз. Ісі бастамалар алдағы уақытта да жалғасын табады деп сенеміз, — дейді ауыл тұрғыны Жібек Әсетқызы.

Ойтоған мен Ақсу ауылдары арасындағы 20 шақырым жолдың құрылыс жұмыстары да қарқын алып келеді. Жобаға сәйкес биыл аталған учаскенің 5 шақырымы жөнделсе, қалған 15 шақырымын келесі жылы жаңарту жоспарланған. Осылайша, жол құрылысы толық аяқталып, тұрғындардың қауіпсіз әрі жайлы қатынауына мүмкіндік жасалмақ. Бұған қоса Ойтоған мен Матай ауыл-

дары арасындағы автокөлік жолдарын жаңарту мәселесі де кезек-кезегімен шешімін табады. Бұл бағыттағы жұмыстар алдағы жылдары жоспарға сәйкес іске асырылып, ауылдар арасындағы көлік қатынасының сапасын жақсартуға оң ықпал етеді. Бұдан бөлек, біз өмірде Балқаш көлі жағалауындағы туризмді дамыту бағытында инфрақұрылымды жетілдіру жұмыстарының жүйелі түрде жүзеге асырылуына үстінде екенін де көріп қайттық. Осы мақсатта Көлтабан, Матай және Ілесті ауылдарындағы демалыс орындарында санитарлық-гигиеналық талаптар мен заманауи демалыс алаңдары салынып, қолданысқа өткен. Бүгінде автокөлік жолы бойында орналасқан

жаңа үлгідегі санитарлық-гигиеналық кешендер толықтай пайдалануға беріліп, тұрғындар мен туристер игілігіне қызмет көрсетуде.

Нысандардың ішінде келушілерге қолайлы жағдайдың барлығы қарастырылған. Атап айтқанда, ана мен балаға арналған арнайы бөлме, қажетті азық-түлік сатылатын сауда орыны жұмыс істейді. Сондай-ақ мүмкіндігін шектесіз азаматтардың емін-еркін кіріп-шығуына және қызметті кедергісіз пайдалану үшін жағдайлар қарастырылған. Аталған жобалар өңірден туристік әлеуетін арттырумен қатар Балқаш көліне келетін демалушыларға сапалы қызмет көрсетіп, қолайлы әрі жайлы орта қалыптастыруға мүмкіндік берген.

— Балқаш көліне баратын 110 шақырым автокөлік жолын жөндеу жұмыстары биыл толық аяқталды. Өздеріңіз білетіндей, бұл жолдар асфальтталып, қозғалысқа берілді. Бүгінгі таңда Малай алаңына жолдың жол бойын бағамдандыру, жол белгілерін орнатып, таңбаларын сызу, жол жиектерін нығайту сияқты жұмыстар жүзеге асырылуда. Жол жағасында төрт демалыс аймағы, автокөліктерді тексеруге және жөндеуге арналған эстакадалар да бар, — дейді басқарма басшысының орынбасары Айдоос Манасұлы.

Жаңартылған жол ауылдар арасындағы байланысты нығайтып, жолаушылар мен жүк тасымалының қауіпсіздігін арттыруға мүмкіндік береді. Халық игілігіне бағытталған мұндай жобалардың уақытылы әрі сапалы жүзеге асуы — барша жұрттың ортақ тілегі.

Ақсу ауданы



Суретті түсірген Жұмабай МҰСАБЕКОВ

ПАРТИЯЛАР НАЗАРЫНА!

Ақпараттық
хабарлама

«Jetisý» газетінің (бұдан әрі — газет) меншік иесі ШЖҚ «Jetisý Медиа» МКҚ Қазақстан Республикасының 1995 жылғы 28 қыркүйектегі «Қазақстан Республикасындағы сайлаулар туралы» Конституциялық Заңының 28-бабы 5-тармағының 3) тармақшасына және Қазақстан Республикасы Президентінің 2026 жылғы 1 шілдедегі №1338 «Қазақстан Республикасы Құрылтайының сайлауын тағайындау туралы» Жарлығына сәйкес 2026 жылғы 23 тамызға тағайындалған Қазақстан Республикасы Құрылтайы сайлауына қатысатын Қазақстан Республикасының саяси партияларына (бұдан әрі — Партия) сайлауалды үгіт материалдарын (бұдан әрі — үгіт материалдары) орналастырудың шарттары мен ақы мөлшерін хабарлайды.

Газеттің басылым алаңдарын берудің жалпы шарттары мен тәртібі

Газет үгіттік баспа материалдарын орналастыру үшін басылым алаңдарын береді.

Газеттен басылым алаңдарын беру газеттің меншік иесі мен партиялық тізімдерді ұсынаған саяси партиялардың сенімді өкілі арасында үгіттік баспа материалдарын орналастыруға арналған басылым алаңын беруге жасалған келісімшарт негізінде жүзеге асырылады. Келісімшарттың формасы мен тіпті құжаттар жазбаша өтініш тапсырылған кезде қоса беріледі. Мұндай келісімшарт жасау үшін саяси партиялардың сенімді өкілдері газеттің меншік иесіне келесі ақпараттарды көрсете отырып, жазбаша өтінішпен шығады:

- 1) партиялық тізімнің ұсынылғанын дәлелдейтін құжаттың көшірмесі;
- 2) саяси партияның уәкілетті өкілінің құзыретін дәлелдейтін құжаттың көшірмесі;
- 3) үгіттік материалдардың түрі, алатын алаңның жоспарланған көлемі көрсетілген жазбаша өтініш мазмұны;
- 4) қағаз (үкілетті өкілдің көрсетілген әр парақтағы қойылған қолымен) және электронды тасымалдаушыдағы үгіттік материалдың мәтініне түсіндірме;
- 5) өтініш беруді саяси партияның уәкілетті өкілінің жеке бас қолымен көшірмесі.

Газетке жазбаша өтініш осы ақпараттық хабарлама негізінде 2026 жылдың 17 шілдесінен бастап 2026 жылдың 19 тамызына дейін, демалыс және мерекелер күндерін қоспағанда, күн сайынғы сағат 10.00-ден 17.00-ге дейін Талдықорған қаласы, Жұмахан Балпанов көшесі, 28-үй, 4-қабат мекенжайы бойынша қабылданады.

Жарияланымдарда ақпаратты берген тұлғаның аты-жөні, тегі, қаржыландыру көздері, материалдарды шығаруға жауапты тұлғалар, олардың төлеуі туралы ақпараттар болуға тиісті.

Баспалық материалдарды орналастырудың кезектілігі жазбаша өтініштердің келіп түсу реттілігіне байланысты газетпен белгіленеді. Бірнеше саяси партия атынан жазылған өтініштер бір мезгілге түскен жағдайда газет тарапынан дәл сол күні жербебе өткізіледі. Жербебеге баспалық материалдарды орналастыру кезектілігіне таласушы саяси партиялардың уәкілетті өкілдері мен таластың тәуелсіз тарабы ретінде БАҚ өкілі қатысады. Саяси партиялардың әрбір уәкілетті өкілінің ішінде баспалық материалды орналастырудың мерзімі көрсетілген, мөрленген конвертті таңдау ұсынылады. Конверттер саны таласқа қатысушылардың санымен тең болады. Жербебе аяқталғаннан кейін таласқа қатысушылар мен БАҚ өкілі жербебе хаттамасына қолдарын қояды. Жербебе нәтижесі (хаттаманың көшірмесі) тиісті сайлау комиссиясына тапсырылады.

Үгіттік баспа материалдарын берудің тәртібі

Газетке үгіттік баспа материалдары газет жарық көретін датаға 3 (үш) күнтізбелік күн қалғанға дейін модульдер немесе мақалалар түрінде тапсырылуға тиісті.

Газет материалдарда конституциялық құрылысты күштеп өзгерту, республиканың тұтастығын бұзуға, мемлекеттің қауіпсіздігін бұздыруға, әлеуметтік, нәсілдік, ұлттық, діни, таптық және рулық алауыздық туғыруға, сондай-ақ, заңмен қарастырылмаған және заңмен қарастырылған, тағы басқа да негіздерде әскерлендірілген құрылымдар құру идеялары көрініс берген жағдайда үгіттік баспа материалдарын орналастырудан бас тартылады.

Газет саяси партиялардың абыройы мен қадір-қасиетіне немесе іскерлік беделіне нұсқан келтіретін ақпараттар болған жағдайда үгіттік баспа материалдарын орналастырудан бас тартуға құқылы.

Осы ақпараттық хабарламада көрсетілген басылым алаңдарын берудің шарттары мен тәртібі уәкілетті органдардың талабына сай түзетілуі мүмкін.

Газеттің басылым алаңдарын төлеудің тәртібі мен мөлшері

Үгіттік материалдарды орналастыруға арналған басылым алаңдарының бағасы:

— Қазақстан Республикасы Құрылтайы сайлауына қатысатын Қазақстан Республикасының саяси партиялары үшін ҚКС-ты қоса алғанда журналистік мақалалар жарияланатын беттерге модуль орналастырудың 1 шаршы см. үшін 850 теңге;

— Қазақстан Республикасы Құрылтайы сайлауына қатысатын Қазақстан Республикасының саяси партиялары үшін ҚКС-ты қоса алғанда журналистік мақалалар жарияланатын беттерге мақала орналастырудың 1 шаршы см. үшін 850 теңге;

— Қазақстан Республикасы Құрылтайы сайлауына қатысатын Қазақстан Республикасының саяси партиялары үшін ҚКС-ты қоса алғанда газет саяхат жарияланатын мақалалар, модуль орналастыру 250 мың теңге;

— Қазақстан Республикасы Құрылтайы сайлауына қатысатын Қазақстан Республикасының саяси партиялары үшін ҚКС-ты қоса алғанда сайттың әлеуметтік парақшаларына (Instagram, TikTok, YouTube, Facebook) модуль, бейнеузік, банер, т.с.с. орналастыру 30 мың теңге.

Төлем серіктестік берген есепшот негізінде сол есепшот берілген күннен басталатын 5 (бес) күн ішінде жүргізіледі.

Төлем газеттің басылым алаңын беру жөніндегі тиісті келісімшартта немесе есепшотта көрсетілген серіктестіктің банктік реквизиттеріне төленеді.

ҰЛТ РҰХЫНЫҢ ҰЛЫ СЕРТІЛІСІ

Гүлжан ТҮРСЫН

1986 жылдың 16 желтоқсаны – қазақ халқының жаңа тарихындағы ең шешуші күндердің бірі. Бұл күнді жай ғана алаңға шыққан жастардың билікке қарсылығы деп бағалау аздық етеді. Желтоқсан – бодандыққа қарсы бұғып жатқан ұлттық рухтың бұлағы. Алаңға шыққандардың басым бөлігі небәрі он сегіз-жиырма жастағы студенттер еді. Олар саясаткер де, көтерілісші де емес. Бірақ қыз-жігіттердің жүрегіне елдің болашағына деген жауапкершілік тұрды. «Қазақ елін қазақ басқаруы керек» деген талап сол күнгі жастардың ғана емес, тұтас ұлттың көкейіндегі арман еді.

Мен де сол студенттердің қатарында болдым. Қазақ мемлекеттік университетінің журналистика факультетінің бірінші курсында оқыдым. Таңертең профессор Тауған Аманжолдың дәрісі өтіп жатқан. Бір сәтте аудиторияға қазақы берік киген жігіт кіріп келіп, бір жапырақ қағаз тастап кетті. Қағазда: «Кеуделеріңде қазақтың қаны болса, түсте алаңға жиналыңдар» деген сөз жазылған. Осы бір сөйлем біз үшін үндеу ғана емес, намысқа шақырған ұран болды. Бізді ешкім мәжбүрлеген жоқ. Ешкім ақша да, атакта ұсынбады. Көпті алаңға жетелген – қазақ деген халықтың перзенті екенін дәлелдеу еді.

Алаңға барған кезде бейбіт жастарды күтіп тұрған көрініс мүлде басқа болатын. Әскери техникалар, қалқан ұстаған сарбаздар, ит жетектеген әскерилер. Кеше ғана ауылдан келген он сегіз жасар қыз үшін бұл соғыс көрінісінен еш айырмашылығы жоқ еді. Со-

дайрақты бәсе-келерде көк туы желбіреп, әнұраны шырқалған тәуелсіз мемлекеттің тарихында ел намысын желтоқсанда қорғаған қазақ жастарының ерлігі жатыр. Биыл желтоқсан көтерілісіне 40 жыл. Желтоқсанда еске алу – өткенге тағзым ету ғана емес. Бұл – тәуелсіздіктің қадірін ұғыну, ұлт рухын ұрпақ санасына сіңіру. Тәуелсіздік – желтоқсанда жанын шүберекке түйген қазақ жастарының аманаты.

Ған қарамастан алаңдағы жастардың ең үлкен қаруы – олардың бірлігі болды. Бір мезетте көше бойымен шырқалған «Елім-ай» әні бүкіл алаңды толқитын. Мыңдаған адамның жүрегі бір мезетте соққандай әсер қалдырды. Көп ұзамай орталық алаңнан «Менің Қазақстаным» әні естілді. Сол сәтте жастардың рухы бұрынғыдан да биіктеп, қоршауды бұзып, бір-бірін құшақтап, қандай жағдайда да бір болатындарын байқатты.

Қолында қалқан, резекке сойылы бар милиция жастарды аяусыз соққыға алды. Қыздарды қорғаштаған жігіттер ұрып-соғылғандарды арашалап қалуға тырысты. Мұздай қаруланған күшке жалаң қолмен қарсы тұрған қазақ

жастарының қайсарлығы ешқашан ұмытпайды.

Сол күндері қорқыныш пен үміт қатар жүрді. Бірақ қорқыныш ұлттық намыстан басым түсе алмады. Желтоқсан көтерілісі күшпен басылғанымен қазақтың рухын жеңе алған жоқ. Керісінше, халықтың ұлттық санасын оятып, бұрын іште тұншыққан ой енді ашық айтыла бастады. Қазақ жастары елінің тағдыры үшін жауапкершілік алуға дайын екенін дәлелдеді. Көтерілістен кейін басталған қудалау да оңай болған жоқ. Жүздеген студент тергелді, оқудан шығарылды, түрмеге қамалды, тағдырына таңба түсті. Біз де қауіпсіздік органдарының сұрақтарына жауап бердік. «Алаңға не үшін бардыңдар?», «Кім ұйымдастырды?» деген сауалдар айлап қойылды. Бірақ сол күндердің ауырлығы жастардың сенімін өңірте алмады. Бүгінде Желтоқсанға қатысқан азаматтың көбі әр салада еңбек етіп жүр. Олар мемлекет құрудың бейбіт кезеңінде де Қазақстанның дамуына үлес қосуда. Өйткені Желтоқсан олар үшін бірқұнды оқиға емес, өмірлік ұстанымға айналды.

Желтоқсанның тарихи маңызы оның нәтижесімен ғана өлшенбейді. Басты құндылығы – ұлттың өңісін тикетеуінде. Егер Желтоқсан болмағанда тәуелсіздікке апарар жол әлдеқайда ұзақ әрі ауыр болуы мүмкін еді. Өйткені дәл осы көтеріліс Кеңес одағының мызғымас көрінісін жүзесін дүр сілкіндірген ұлттық қозғалысқа айналды. Тәуелсіздіктің қалқын ұрғыны ел ғана оның тұңғыры бін ұстай алады. Желтоқсандағы жастар ерлігін еске алу арқылы жас ұрпақтың бойына отансүйгіштік пен едік рухы сіңіріледі.

АЛТАЙДЫ ӘНМЕН ТЕРБЕГЕН

Шырайлы Шығыс жерінде сан-салтанатымен өткен «Алтай – түркі әлемінің алтын бесігі» халықаралық фестивалі мәресіне жетті. Ауқымды мәдени шара Қазақстанның Халық әртісі Димаш Құдайбергннің қатысуымен өткен гала-концертпен түйінделді.



50 мыңға жуық тыңдарман тамылжыған әнге сүйсінген рухани шарада күміс көмей, жез таңдай әнші классикалық, эстрадалық және заманауи бағыттағы шығармаларды орындады. Көрермен «Өшіріс», «Ave Maria», «Golden», «Smoke», «Weekend», «Ғымылмас күн», «Махаббат бер маған» әндерін, сондай-ақ, авторлық «Амал» композициясын тыңдады.

Ел мақтанышы қазақтың халық әні «Ақетке»-ні алғаш рет заманауи форматта орындады. Фестиваль қонақтары «Тау ішінде», «Дүрдараз», «Stranger» шығармаларын және рок стилінде орындалған «Адай» күнін де тамашалады. Димаш Құдайбергн шығармашылық ұжыммен бірге қазақ халқының ұлттық болмысын, музыкалық мұрасын кеңінен таныстырды.

Фестиваль туралы нақты мәліметтерге сүйенсек, биылғы мәдени шараға әлемнің 30-ға жуық елінен делегациялар қатысқан. Сондай-ақ Димаштың жанкүйерлері Индонезия, Өзбекстан, Әзербайжан, Чехия, Германия, Франция, Польша және басқа да мемлекеттерден арнайы келген.

XIII МАУСЫМЫН АЯҚТАЙДЫ

ҚР Мәдениет және ақпарат министрлігінің дерегіне сүйенсек, «Астана Опера» театры XIII театр маусымын аяқтайды. Осы кезеңде театр қойылымдары мен шығармашылық жобаларын 120 мыңнан астам көрермен тамашалаған. Үш премьерә сахналанып, 60 көрме ұйымдастырылған.



Маусымның басты жаңалығы – «Астана Опера» театрының тапсырысымен Серікжан және Әліби Әбдіұрғаров музыкасын жазған «Қыпшақ қызы Аппа» ұлттық операсының әлемдік премьерасы. Бұдан бөлек Дәулетте Бердідің «Ригелетто» операсы мен Сұлтанбек Гүмар қойған «Мәңгіліктің төрт сыры» балеті қойылды.

Халықаралық «Опералия – 2026» фестивалі бір жарым ай бойы үш сахнада өтіп, оған 18 мыңға жуық көрермен мен әлемнің оннан астам елінен келген өнерпаздар қатысты. Балет труппасы Маскатығы Корольдік опера театрында «Опеллиясы» қойып, Алматы мен Сочиде өнер көрсетті. Ал опера труппасы Павлодар мен Ақтөбеге гастрольмен барып қайтты.

Маусым бойы ұлттық музыкалық мұраны насихаттауға басымдық берілді. Театр шымылдығы «Абай» операсымен ашылып, Ермек Серкебаевтың 100 жылдығына, Ахмет Жұбанов пен Латиф Шахмидің мерейтойларына арналған концерттер, қайырымдылық және ағартушылық іс-шаралар өткізілген.

ЖЕТІ МИЛЛИОННАН АСТЫ

Жас ұрпақ танымына кітап құндылығын сіңіру қоғамның басты міндеті. Ал елімізде кітапханаларды жаңғырту, кітап қорын толықтыру, баспа ісін дамыту және балалар мен жасөспірімдер арасында кітап оқу мәдениетін кеңінен насихаттау бағытында жүйелі жұмыстар жүргізіліп келеді.




Қазіргі таңда еліміз бойынша балалар мен жасөспірімдерге қызмет көрсететін 300-ден астам кітапхана жұмыс істейді. Кітапханалардың қорында 7 миллионнан астам кітап жинақталған. Ал тұрқыда оқырмандар саны 1,7 миллионнан асады.

Балалар әдебиетіне деген қызығушылық жылдан-жылға артып келеді. Жас оқырмандардың сүйіп оқыған шығармалары Бердібек Соқпабаевтың «Менің атым Қожа», Балалық шаққа саяхат поэстері мен Сайын Мұратбековтың «Жұсан інісі», Ыбырай Алтынсариннің «Әке мен бала», Мұхтар Әуезовтың «Көксерек» кітаптары.

Мәдениет министрлігінің парақшасында жарияланған дерекке сүйенсек, 2026 жылы кітапханалар қорын балалар мен жасөспірімдерге арналған 42 мың жаңа кітаппен толықтыру жоспарланып отыр. Бұл жас оқырмандар үшін қазіргі заманғы және классикалық әдебиетпен кеңірек танысуға мүмкіндік береді.

Балалар әдебиетіне деген қызығушылық кітапханалармен ғана шектелмейді. Жыл басынан бері кітап дүкендерінде балаларға арналған 200 мыңнан астам кітап сатылған.

ІЛТИПАТ



Адам әуегінде жол көрсететін, бойындағы қабілетті танып, бағытталып бағыт-бағдар беретін жандар болады. Олар адамдардың еңбегіне қажетті өміршеңдік береді. Олар шәкірттің әрбір жетістігін өз жеңісіндей қабылдап, үміз ғана қуалайды. Осындай жағдайлар ұстаздың тәлімін көрген адамның жасөспірімдігіне ерекше ықпал етеді. Мен үшін сондай жан – университет профессорында дәріс берген журналист, ұстаз Нәкен Әлітовтың.

Университетке алғаш келген күнінен-ақ Нәкен Әлітовтың әр студенттің қабілетін танып, соны дамытуға ерекше мән беретінін байқады. Ол менің де бойындағы ұмтылысты байқап, әрдайым жігерлендіріп отырды.

Өзім байқамаған мүмкіндіктерімді ашып, қаламымды ұштап, кәсіп тұрғыдан қалыптасуыма үлкен ықпал етті. «Ертұғанның қызы», «Милана қыз» деп ерекше ықыласпен атап, әр жетістігіме шынайы қуаныш жүретін. Бұл сөздердің астарында шәкіртін

деген сенім мен қамқорлық жататын. Ол бізге журналистиканың теориясын ғана емес, сөздің қадірін сезінуді, ақпаратқа жауапкершілікпен қарауды, әңгіме мәдениетін сақтауды, көпшілік алдында өзіңді еркін ұстай білуді үйретті.

Есте қалған ерекше сабақтардың бірі – «Мен кіммін?» тақырыбындағы шығарма. Сол тақырып арқылы өзімді басқа қырынан таныдым. Өзімнің қандай қасиеттерім барын, қандай мақсаттарға ұмтылуым керектігін ойлана бастадым. Ұстазымыз адамның ең алдымен өзіне сенуі қажет екенін ұғындырды. Сондай-ақ еңбек қолымды ерте бастауыма да Нәкен Әлітовтың себепкер болды. «Оқу мен жұмысты қатар алып жүр. Еңбектен қорықпа. Өзіңнің тек еңбектен жетесің» деген сөзі маған әрдайым күш-қуат берді. Сол сенімнің арқасында тәжірибе жинап, өзімді түрлі салада сынап көрдім. Бұл кейін кәсіп жолымды сенімді бастауыма мүмкіндік берді.

Бүгінде мен «Жетісу жастары» коммуналдық мемлекеттік мекемесінде ұйымдастырушы қызметін атқарудамын. Қол жеткізген жетістіктерімнің бастауында ұстазымның берген білімі, көрсеткен бағыты мен маған артқан сенімі тұрағын мақтанышпен айта аламын.

Кейде шәкірт жүрегіңдегі алғысын сөзбен жеткізе алмайды. Алайда жақсылықтың өтеуі – оны ұмытпау. Осы мақала арқылы өзімнің ғана емес, ұстазына деген ырызылығын жүрегіңде сақтап жүрген тағай шәкірттің атына алғыс айтып келеді. Ал ұстаздың шынайы еңбегі марапатпен өлшенбейді. Ол шәкірттің жүрегіне сақталған құрметпен, өмірде жеткен жетістігімен бағаланады. Сіздің есіміңіз біз үшін әрдайым ұстаздық парасаттың, аламетершіліктің және шынайы жанышарлықтың үлгісі болып қала берді.

Милана ЕРТУҒАНҚЫЗЫ,
Жетісу университетінің түлегі

ҚҰРЫЛТАЙШЫ:
«Жетісу облысы әкімінің аппараты» мемлекеттік мекемесі

Меншік иесі:
ШЖҚ «Жетісу Медиа» МКК

Басшы:
Ришад ТҮРҒАНБАЙ
Басшының қабылдау
бөлмесі: 40-20-71

Бас редактор:
Жұматай ӘМІРЕ

Газет Қазақстан Республикасы Ақпарат және қоғамдық даму министрлігінің Ақпарат комитетінде 2023 жылғы 13 ақпанда тіркеліп, № KZ44VP00064518 күнелігі берілген.

Таралу аумағы: Қазақстан Республикасы

Мекенжайымыз:
Талдықорған қаласы, Жұматан Балпанов көшесі, 28.
Қабылдау бөлмесі – 40-20-64, жарнама бөлмесі – 40-20-69, 8 775 355 89 58, 8 747 410 69 09.
Меншікті тілшілер:
Панфилов ауданы – 8-708-442-43-76, Сарқан, Ақсу аудандары – 8 701 779 19 38.
Газет келмеген жағдайда осы нөмірлерге хабарласыңыздар – 8 775 355 89 58, 8 747 410 69 09.



Көзкешік редактор: Сарби ӘТЕНОВА

Жарияланған мақала авторларының пікірлері редакция көзқарасын білдірмейді. Жарнама мен хабарландырулардың мазмұны мен мәтініне жарнама беруші жауапты.

Компьютерде 16-ші қарпінмен терілгенде 4 беттен асқан материал қабылданады.

«Жетісу» газеті мен сайттың жарияланған материалдарды көшіріп басу үшін редакцияның жазбаша рұқсаты керек.

Статустың сапасы үшін редакция жауапты.

Сыбайлас жемқорлыққа қарсы күрес мәселелері бойынша сенім телефоны: 87773880990

«Жетісу» газетінің компьютер орталығында теріліп, беттелді. Газет аттасына үш рет – сенбейсің, бейсенбі, сенбі күндері қазақ, орыс, ағылшын тілдерінде шығады.

Газет Талдықорған қаласы, Қабанбай батыр көшесі, 32-үйде, Алматы – «Болашақ» АҚ филиалы «Офсет» баспаханасында басылады.
М. 1 2 3 4 5 6 7 8 9 10 П. 1 2 3 4 5 6 7 8 9 10

Тіпсырыс – 667
«Жетісу Медиа» МКК баспаханасының жалпы таралымы – 3285, оның ішінде «Жетісу» газетінің осы шығарылымының таралымы – 2608. Индекс – 65469.